

**JAVNA USTANOVA DOM ZDRAVLJA  
KANTONA SARAJEVO  
-UPRAVNI ODBOR-  
Broj:01-01-37-89/16  
Dana 27.06.2016.godine  
Sarajevo, Vrazova 11**

Na osnovu člana 17. Zakona o javnim nabavkama („Službeni glasnik BiH“ broj: 39/14.), člana 31. Statuta Javne ustanove Dom zdravlja Kantona Sarajevo ("Službene novine Kantona Sarajevo broj: 40/13,), člana 6. stav 1. tačka c) Odluke o izmjenama i dopunama Statuta Javne ustanove Dom zdravlja Kantona Sarajevo ("Službene novine Kantona Sarajevo broj: 20/16) i člana 4. Pravilnika o procedurama javnih nabavki i stvaranju ugovornih obaveza u Javnoj ustanovi Dom zdravlja Kantona Sarajevo broj 01-01-176-15/15 od 16.02.2015. godine a u skladu sa finansijskim planom Javne ustanove Dom zdravlja Kantona Sarajevo za 2016. godinu, Upravni odbor Javne Ustanove Dom zdravlja Kantona Sarajevo na Trećoj sjednici održanoj dana 27.06.2016.godine, donosi :

## **ODLUKU**

### **o usvajanju Plana javnih nabavki**

#### **Javne Ustanove Dom zdravlja**

#### **Kantona Sarajevo**

#### **za 2016. godinu**

### **I**

Javna ustanova Dom zdravlja Kantona Sarajevo (u daljem tekstu: Ugovorni organ) u skladu sa članaom 4. stav 1. tačka b) Zakona o javnim nabavkama („Službeni glasnik BiH“ broj: 39/14.) i sa članom 3. i 4. Pravilnika o procedurama javnih nabavki i stvaranju ugovornih obaveza u Javnoj ustanovi Dom zdravlja Kantona Sarajevo broj 01-01-176-15/15 od 16.02.2015. godine utvrdila je stvarne potrebe za nabavku radova, roba i usluga za 2016. godinu.

U skladu sa Finansijskim planom Ustanove za 2016. godinu, a s ciljem osiguranja roba, radova i usluga za obavljanje poslova iz djelokruga rada Ugovornog organa, donosi se ovaj Plan javne nabavke za 2016. godinu, koji sadrži podatke o predmetu nabavke, evidencijskom broju nabavke, procijenjenoj vrijednosti nabavke, vrsti postupka javne nabavke, planiranom početku postupka, načinu ugovaranja (ugovor ili okvirni sporazum).

### **II**

Ugovorni organ zadržava pravo u slučaju obrazloženog zahtijeva zasnovanog na odredbama Zakona o javnim nabavkama, da može promijeniti vrstu postupka kao i procijenjenu vrijednost nabavke na osnovu obrazloženja zasnovanog na ekonomskim ili drugim pokazateljima kao što su

znatnije promjene cijena u odnosu na cijene u vrijeme procjene vrijednosti, smanjenje ili povećanje količina u skladu s izmijenjenim okolnostima i sl. a što će biti regulisano kroz provođenje postupka izmjene i dopune Plana javnih nabavki za 2016. godinu.

### III

Za sve nabavke predviđene ovim Planom, obaveza ugovornog organa je donošenje Odluke o pokretanju postupka nabavke u formi i sadržaju u skladu sa članom 18. Zakona o javnim nabavkama i članom 8. Pravilnika o procedurama javnih nabavki i stvaranju ugovornih obaveza u Javnoj ustanovi Dom zdravlja Kantona Sarajevo.

Ako određene nabavke nisu mogle biti predviđene ovom Odlukom, obzirom da u momentu planiranja nisu bile potrebne, a koje su iz različitih objektivnih, opravdanih razloga zaista postale neophodne, ugovorni organ će donijeti posebnu odluku o pokretanju postupka javne nabavke, što će pratiti dopuna Plana javnih nabavki za 2016. godinu.

### IV

Plan javnih nabavki Javne Ustanove Dom zdravlja Kantona Sarajevo za 2016. godinu, objavit će se na internetskoj/web stranici ugovornog organa ([www.judzks.ba](http://www.judzks.ba)).

### V

Ovlašćuje se generalni direktor Ustanove da provede sve procedure javnih nabavki te da može potpisati pojedinačne ugovore roba i usluga sa izabranim ponuđačima čija je vrijednost do 50.000 KM, odnosno do 80.000 KM za nabavku radova.

Preko navedenih iznosa iz predhodnog stava ovog člana, za potpisivanje pojedinačnih ugovora, generalnom direktoru je potrebna predhodna saglasnost Upravnog odbora Ustanove u skladu sa članom 6. stav 1. tačka c) Odluke o izmjenama i dopunama Statuta Javne ustanove Dom zdravlja Kantona Sarajevo.

### VI

Tabelarni prikaz Plana javnih nabavki Javne Ustanove Dom zdravlja Kantona Sarajevo za 2016. godinu je prilog ove Odluke i njen je sastavni dio.

### VII

Ova odluka stupa na snagu danom donošenja.

## O b r a z l o ž e n j e

### PRAVNI OSNOV

Članom 17. Zakona o javnim nabavkama ("Službeni glasnik BiH" broj 39/14), određeni su uslovi za početak postupka javne nabavke, te je u stavu 1. jasno definisano da ugovorni organ (Javna ustanova Dom zdravlja Kantona Sarajevo), može započeti postupak javne nabavke ako je

nabavka predviđena u Planu nabavki ili kad ugovorni organ donese posebnu odluku o pokretanju postupka javne nabavke.

Stavom 2. navedenog člana, određena je obaveza ugovornog organa da mora objaviti plan nabavki na svojoj internetskoj stranici i to najkasnije u roku od 60 dana od dana usvajanja finansijskog plana.

Sve nabavke, koje su se realizirale prije usvajanja Odluke o usvajanju Plana javnih nabavki za 2016. godinu, a na osnovu Odluke o Privremenom planu javnih nabavki za 2016. godinu Javne ustanove Dom zdravlja Kantona Sarajevo, uvrštene su u tabelarni prikaz ove Odluke.

Primjenom novog Zakona o javnim nabavkama počev od 27.11.2014. godine, uslovljeno je donošenje i objavljivanje Plana nabavki Javne ustanove Dom zdravlja Kantona Sarajevo za 2016. godinu na internetskoj/web stanici ugovornog organa.

### **RAZLOZI ZA DONOŠENJE**

Potreba za nabavkom roba, radova i usluga iz tačke I ove Odluke, neophodna je radi obavljanja osnovne djelatnosti Javne ustanove Dom zdravlja Kantona Sarajevo a čiji nedostatak bi mogao direktno ugroziti kontinuitet rada.


U Planu javnih nabavki za 2016. godinu, biće prikazane nabavke koje su se realizirale prije usvajanja Plana a predmet su Odluke o Privremenom planu javnih nabavki za 2016. godinu.

U skladu sa zakonskim propisima, Tabelarni prikaz Plana javnih nabavki za 2016. godinu biće objavljen na web stranici Ustanove, nakon usvajanja Odluke.

### **OBEZBJEĐENJE SREDSTAVA**

Sredstva za realizaciju Plana javne nabavke, obezbjeđena su Finansijskim planom Javne ustanove Dom zdravlja Kantona Sarajevo za 2016. godinu u skladu sa sklopljenim Ugovorom o finansiranju Javne ustanove Dom zdravlja Kantona Sarajevo sa Zavodom zdravstvenog osiguranja Kantona Sarajevo broj 01-01-1-M.J.-10110/16 od 29.04.2016. godine i Odluke Upravnog odbora Ustanove o usvajanju Finansijskog plana za 2016. godinu.

**Pomoćnik  
generalnog direktora  
za pravne poslove**

  
Jasmina Horo, dipl. pravnik

**Šef SEFP**

  
Adnan Šehić, dipl. ecc

Dostaviti :

- Upravni odbor Ustanove
- Pomoćnik gen. direktora za pravna pitanja
- Šef SEFP
- Javne nabavke
- A/a



**V.D. PREDSJEDNIK  
UPRAVNOG ODBORA**

  
Mr. sci. Elvesta Mulahasanović